

# YR AELOD CABINET DROS ADFYWIO, HAMDDEN, DIWYLLIANT A THWRISTIAETH

**DYDD LLUN, 11 MAWRTH 2024**

**PRESENNOL** Cyngorydd H.A.L. Evans

## **Hefyd yn bresennol :**

I. Jones, Pennaeth Hamdden

A. Ralph, Swyddog Datblygu Economaidd Busnes Cronfa Ffyniant Gyffredin - Grantiau

A. Spencer, Swyddog Datblygu Economaidd, Cronfa Ffyniant Gyffredin - Cronfa  
Datblygu Eiddo

J. Owens, Swyddog Gwasanaethau Democrataidd

**Ystafell Bwyllgor 1 (Ystafell Bwyllgor Gwasanaethau Democrataidd) - Neuadd y  
Sir, Caerfyrddin. SA31 1JP - 2.00 - 2.39 yp**

## **1. DATGANIADAU O FUDDIANNAU PERSONOL**

Ni chafwyd datganiadau o fuddiant personol.

## **2. LLOFNODI YN GOFNOD CYWIR GOFNODION Y CYFARFOD A GYNHALIWYD AR 12 CHWEFROR 2024**

**PENDERFYNWYD** Ilofnodi bod Cofnod Penderfyniadau'r cyfarfod oedd wedi'i gynnal ar 12 Chwefror, 2024 yn gofnod cywir.

## **3. TALIADAU HAMDDEN 2024-25**

Ystyriodd yr Aelod Cabinet yr adroddiad ynghylch Taliadau Hamdden 2024-25 a oedd yn gofyn am gymeradwyo'r taliadau arfaethedig a oedd yn ffurfio rhan o'r cynllun cynhyrchu incwm ar gyfer yr is-adran hamdden yn 2024-25. Roedd yr adroddiad yn cynnwys taliadau ar gyfer yr is-adrannau canlynol o fewn Gwasanaethau Hamdden a hefyd yn manylu ar nifer o ffactorau, gan gynnwys grymoedd y farchnad, a oedd wedi dylanwadu ar lefel arfaethedig y taliadau:-

- Gwasanaethau Diwylliannol (Y Celfyddydau, Amgueddfeydd, Theatrau a'r Gwasanaeth Archifau)
- Lleoliadau Hamdden a Chwaraeon (Canolfannau Hamdden, pyllau nofio, cynnyrch ar-lein Actif a Thaliadau Chwaraeon Cymunedol Actif)
- Hamdden Awyr Agored (Parciau Gwledig, gan gynnwys Parc Arfordirol y Mileniwm, Safle Prosiect Denu Pentywyn; a'r Gwasanaeth Addysg Awyr Agored

**PENDERFYNWYD** bod y fframwaith Taliadau Hamdden ar gyfer 2024-25 fel y nodir yn yr adroddiad yn cael ei gymeradwyo.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

#### 4. **CRONFA FFYNIANT GYFFREDIN - GRANT YMCHWIL A DATBLYGU BUSNES**

Bu'r Aelod Cabinet yn ystyried adroddiad a oedd yn nodi cynnig i ddatblygu Grant Ymchwil a Datblygu newydd i'w ariannu drwy'r Angor Busnes o dan y Gronfa Ffyniant Gyffredin.

Nodwyd y byddai cyfanswm o £250k ar gael yn y gyllideb a ddyrannwyd o dan y prosiect angori busnes a ariannwyd gan Gronfa Ffyniant Gyffredin Llywodraeth y DU.

Rhoddwyd gwybod i'r Aelod Cabinet fod tîm busnes y Gronfa Cychwyn Busnes a Thwf Busnes wedi nodi nifer o fusnesau a oedd yn ceisio cynnal gweithgareddau yn ymwneud â chamau cynnar iawn ymchwil a datblygu, astudiaethau hyfywedd, prototeipio ac ati, fodd bynnag, ni ellid darparu cymorth o dan y Gronfa gan na fyddai canlyniadau diogelu swyddi a/neu greu swyddi yn cael eu cyflawni o fewn y cyfnod cyllido. Yn unol â hynny, o ystyried natur hanfodol Ymchwil a Datblygu yn y camau datblygu ar gyfer y busnesau hynny, cynigiwyd bod grant ar gael i dalu costau gwariant penodol o ran Ymchwil a Datblygu.

Ystyriwyd y meini prawf cymhwysedd a'r costau arfaethedig, ynghyd â'r canlyniadau arfaethedig, y cynnig grant a'r opsiynau amgen, fel y nodir yn yr adroddiad.

**PENDERFYNWYD cyflwyno Grant Ymchwil a Datblygu newydd gwerth £250k fel rhan o'r Gronfa Ffyniant Gyffredin – Angor Busnes, i ddiwallu anghenion busnesau ac er mwyn cyflawni cyllideb ac allbynnau'r prosiect.**

#### 5. **CRONFA GYLLID WEDI'I THARGEDU**

**PENDERFYNWYD cymeradwyo'r ceisiadau canlynol am gymorth o'r Gronfa Cyllid a Dargedir yn amodol ar y telerau a'r amodau arferol ac ar y rhai a bennwyd yn yr adroddiad:**

<b>Y Gronfa Cyllid a Dargedir</b>	
<b>Yr Ymgeisydd</b>	<b>Y Dyfarniad</b>
Canolfan Gymunedol yr Hen Ysgol, Llanybydder	£20,000.00
Tetrim Teas	£20,000.00
Neuadd Goffa Hendy-gwyn	£19,250.00
Myddfai Trading Company Ltd	£3,788.67
Neuadd y Pentref Newydd, Llanarthne	£15,360.00

#### 6. **ADRODDIADAU NAD YDYNT I'W CYHOEDDI**

**PENDERFYNWYD yn unol â Deddf Llywodraeth Leol 1972, fel y'i diwygiwyd gan Orchymyn Llywodraeth Leol (Mynediad at Wybodaeth) (Amrywio) (Cymru) 2007, na fyddai'r eitemau canlynol yn cael eu cyhoeddi, gan fod yr**

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

adroddiadau'n cynnwys gwybodaeth eithriedig fel y'i diffiniwyd ym Mharagraff 14 o Ran 4 o Atodlen 12A i'r Ddeddf.

**7. CRONFA FFYNIANT GYFFREDIN - CRONFA YNNI ADNEWYDDADWY BUSNES**

Ar ôl cynnal prawf budd y cyhoedd PENDERFYNWYD, yn unol â'r Ddeddf y cyfeiriwyd ati yng nghofnod rhif 6 uchod, beidio â chyhoeddi cynnwys yr adroddiad gan ei fod yn cynnwys gwybodaeth eithriedig am faterion ariannol neu faterion busnes unigolyn penodol (gan gynnwys yr Awdurdod oedd yn meddu ar y wybodaeth honno) (Paragraff 14 o Ran 4 o Atodlen 12A i'r Ddeddf).

Yr oedd y prawf budd y cyhoedd o ran y mater hwn yn ymwneud â'r ffaith fod yr adroddiad yn cynnwys gwybodaeth fanwl am faterion a dyheadau busnes ac ariannol yr ymgeiswyr. Yn yr achos hwn, yr oedd y budd i'r cyhoedd o ran cadw cyfrinachedd yn drech na'r budd i'r cyhoedd o ran cynnal tryloywder ac atebolrwydd, gan y byddai datgelu'r wybodaeth yn debygol o roi'r bobl a'r busnes a enwir yn yr adroddiad dan anfantais annheg mewn perthynas â'u cystadleuwyr masnachol.

Rhoddodd yr Aelod Cabinet ystyriaeth i geisiadau prosiect a oedd wedi dod i law gan ddau fusnes a oedd yn gofyn am gymorth gan y Gronfa Ffyniant Gyffredin – Cronfa Ynni Adnewyddadwy Busnes, a oedd yn galluogi busnesau i ymgymryd â phrosiectau gwella ynni adnewyddadwy gan arwain at arbedion effeithlonrwydd busnes a lleihau carbon.

**PENDERFYNWYD cymeradwyo'r prosiectau a gyflwynwyd i'r Gronfa Ffyniant Gyffredin – Cronfa Ynni Adnewyddadwy Busnes fel y manylir yn yr adroddiad.**

**8. CRONFA FFYNIANT GYFFREDIN - CRONFA DECHRAU BUSNES A THWF**

Ar ôl cynnal prawf budd y cyhoedd PENDERFYNWYD, yn unol â'r Ddeddf y cyfeiriwyd ati yng nghofnod rhif 6 uchod, beidio â chyhoeddi cynnwys yr adroddiad gan ei fod yn cynnwys gwybodaeth eithriedig am faterion ariannol neu faterion busnes unigolyn penodol (gan gynnwys yr Awdurdod oedd yn meddu ar y wybodaeth honno) (Paragraff 14 o Ran 4 o Atodlen 12A i'r Ddeddf). Yr oedd y prawf budd y cyhoedd o ran y mater hwn yn ymwneud â'r ffaith fod yr adroddiad yn cynnwys gwybodaeth fanwl am faterion a dyheadau busnes ac ariannol yr ymgeisydd. Yn yr achos hwn, yr oedd y budd i'r cyhoedd o ran cadw cyfrinachedd yn drech na'r budd i'r cyhoedd o ran cynnal tryloywder ac atebolrwydd, gan y byddai datgelu'r wybodaeth yn debygol o roi'r bobl a'r busnes a enwir yn yr adroddiad dan anfantais annheg mewn perthynas â'u cystadleuwyr masnachol.

Rhoddodd yr Aelod Cabinet ystyriaeth i gais prosiect a oedd wedi dod i law gan fusnes a oedd yn ceisio cymorth gan y Gronfa Ffyniant Gyffredin – Cronfa Grant Cychwyn Busnes a Thyfu Busnes, a'i nod oedd helpu busnesau i ddechrau, cynnal, tyfu a chreu swyddi.

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf

**PENDERFYNWYD cymeradwyo'r prosiect a gyflwynwyd i'r Gronfa Ffyniant Gyffredin – Cronfa Grant Cychwyn Busnes a Thyfu Busnes fel y manylir yn yr adroddiad.**

\_\_\_\_\_  
**CHAIR**

\_\_\_\_\_  
**DATE**

Sylwer: Mae'r cofnodion hyn yn amodol ar gael eu cadarnhau yn y cyfarfod nesaf